

Universitätsbibliothek Paderborn

Thomæ A Kempis Canonici Regularis Ord. S. Avgustini De Imitatione Christi Libri Quatuor

Thomas <von Kempen>
Antverpiæ, 1617

Liber Qvartvs. De Sacramento.

urn:nbn:de:hbz:466:1-45760

THOMÆ A KEMPIS

CANONICI REGVLARIS

Ordinis S. AVGVSTINI

DE IMITATIONE

CHRISTI

LIBER QVARTVS.

De Sacramento.

Deuota exhortatio, ad sacram Communionem.

VOX CHRISTI.

Mat. 11

EN ITE ad me omnes, qui laboratis, & onerati estis, & ego resiciam vos, dicit Dominus. Panis, quem ego dabo, caro mea est, pro mundi Mat. 26 vita. Accipite & comedite, hoc est Cor. 11. Corpus meum, quod pro vobis tradetur: Hoc facite in meam comme-

20.10.6. morationem. Qui manducat meam carnem, & bibit meum sanguinem, in

DE IMIT. CHRISTI LIB. IV. me manet, & ego in illo. Verba, quæ ego locutus sum vobis, spiritus & a & gloriam. Venue, icinul ariv

CAP. I.

Cum quanta reuerentia, Christus -no vox piscipiendus.

ITÆc sunt verba tua Christe, I veritas æterna, quamuis non vno tempore prolata, nec vno in loco conscripta. Quia ergo tua sunt, & vera, gratanter mihi & fideliter, cuncta sunt accipienda. Tua sunt, & tu ea protulisti: & mea quoque sunt, quia pro salute mea ea edidisti. Libenter suscipio ea ex ore tuo, vt ar-Hiùs inserantur cordi meo. Excitant me verba tantæ pietatis, plena dulcedinis & dilectionis. Sed terrent me delicta propria: & ad capienda tanta mysteria, me reuerberat impura conscientia. Prouocat me dulcedo verborum tuorum, sed onerat me multitudo vitiorum meorum.

2 Iubes, vt fiducialiter ad te accedam, si tecum velim habere partem: & vr immortalitatis accipiam alimoniam, si æternam cupiam obtinere

M.I.II. vitam & gloriam. Venite, inquis, ad
me omnes qui laboratis & onerati
estis, & ego reficiam vos. O dulce &
amicabile verbum in aure peccatoris,
quòd tu, Domine Deus meus, egenum & pauperem inuitas, ad Communionem tui sanctissimi Corporis.
Sed quis ego sum Domine, vt ad te
præsumam accedere? Ecce, cæli cæloMai.II. rum te non capiunt, & tu dicis, Venite
Ibid. ad me omnes.

3 Quid sibi vult ista pissima dignatio, & tam amicabilis inuitatio? Quomodo ausus ero venire, qui nihil boni mihi conscius sum, vnde possim præsumere? Quomodo te introducam in domum meam, qui sæpiùs offendi benignissimam faciem tuam? Reuerentur Angeli & Archangeli, metuunt Sancti & iusti, & tu dicis: Mat. 11 Venite ad me omnes? Nisi tu Domine hoc diceres, quis verum esse credere? Et nisi tu iuberes, quis acce dere

Genes.6 attentaret? Ecce, Noë vir iustus in arcæ fabrica centum annis laborauit, vt cum paucis saluaretur: & ego quo-

modo

modo me potero vna hora præparare, vt mundi fabricatorem cum reuerentia sumam?

4 Moyses famulus tuus magnus, & Ero. 25 specialis amicus tuus, arcam ex lignis & 26. imputribilibus fecit, quam & mundissimo vestiuit auro, vt tabulas Legis in ea reponeret: & ego putrida creatura, audebo te conditorem legis, ac vitæ datorem, tam facilè suscipere? Salomon sapiétissimus Regum Israël, 3 Reg.6 templum magnificum septem annis, in laudem nominis tui ædificauit: & octo diebus festum dedicationis eius 3. Reg. 8 celebrauit: mille hostias pacificas obtulit: & arcam fæderis in clangore buccinæ & iubilo in locum sibi præparatum solemniter collocauit. Et ego infelix & pauperrimus hominum, quomodo te in domum meam introducam, qui vix mediam expendere deuotè noui horam? & vtinam vel semel dignè ferè mediam!

o mi Deus, quantum illi, ad placendum tibi, agere studuerunt! Heu, quam pusillum est, quod ago! quam breue expleo tépus, cum me ad communicandum dispono! Rarò totus colle-

256 DE IMITATIONE collectus, rarissime ab omni distractione purgatus. Et certe in tua salutari deitatis præsentia, nulla deberet occurrere indecens cogitatio, nulla etiam occupare creatura: quia non Angelum, sed Angelorum Dominum, suscepturus sum hospitio.

6 Est tamen valde magna distantia, inter arcam fæderis cum suis reliquiis, & mundissimum Corpus tuum cum suis ineffabilibus virtutibus: inter legalia illa sacrificia futurorum præfiguratiua, & veram tui Corporis hostiam, omnium antiquorum sacrificiorum completiuam. Quare igitur non magis, ad tuam venerabilem inardesco præsentiam? Cur non maiori me præparo sollicitudine, ad tua sancta sumenda: quando illi antiqui sancti Patriarchæ & Prophetæ, Reges quoque & Principes, cum vniuerso populo, tantum deuotionis demonstrarunt affectum, erga cultum diuinum?

2 Reg. 6 , 7 Saltauit deuotissimus Rex Dauid coram arca Dei totis viribus, recolens beneficia olim indulta Patribus : fecit diuersi generis organa, psalmos edi-

dit,

M

Ib.

1 Ge

dit, & cantari instituit cum lætitia, cecinit & ipse frequenter in cithara, Spiritus sancti afflatus gratia: docuit populum Israël toto corde Deum laudare, & ore consono diebus singulis benedicere & prædicare. Si tanta agebatur tunc deuotio, acdiuinæ laudis exstitit recordatio coram arca testamenti; quanta nunc mihi, & omni populo Christiano, habenda est reuerentia & deuotio, in præsentia Sacramenti, in sumptione excellentissimi Corporis Christi?

. 8 Currunt multi ad diuersa loca, pro visitandis reliquiis Sanctorum: & mirantur auditis gestis eorum, ampla ædificia templorum inspiciunt, & osculantur sericis & auro inuoluta sacra ossa ipsorum. Et ecce, tu præsenses hic apud me in altari, Deus meus, Sanctus sanctorum, creator omnium, & Dominus Angelorum. Sepè in talibus videndis curiofitas est hominum, & nouitas inuisorum, & modicus reportatur emendationis fructus:maximè vbi est tam leuis, sine vera contritione, discursus. Hicautem in Sacramento altaris, totus præfens -LOST

n

S

12

d

S

Lt

fens es, Deus meus, homo Christus Iesus: vbi & copiosus percipitur æternæ salutis fructus, quotiescumque sueris dignè ac deuorè susceptus. Ad istud verò non trahit leuitas aliqua, nec curiositas aut sensualitas: sed sirma sides, deuota spes, & sincera charitas.

Deus, qu'am mirabiliter agis nobifcum! qu'am suauiter & gratiosè cum electis tuis disponis, quibus temetipsum in Sacramento sumendum proponis! Hoc namque omnem intellectum superat: hoc specialiter deuotorum corda trahit & accendit affectum. Ipsi enim veri fideles tui, qui totam vitam suam ad emendationem disponunt, ex hoc dignissimo Sacramento, magnam deuotionis gratiam, & virtutis amorem, frequenter recipiunt.

gratia Sacramenti, quam norunt tantum Christi sideles! insideles autem, & peccatis seruientes, experiti non possunt. In hoc Sacramento confertur spiritualis gratia, &

reparatur in anima virtus amissa: & per peccatum deformata, redit pulchritudo. Tanta est aliquando hæc gratia, vt ex plenitudine collatæ deuotionis, non tantum mens, sed & debile corpus, vires sibi præstitas sentiat ampliores.

11 Dolendum tamen valdè & miserandum super tepiditate & negligentia nostra, quòd non maiori affectione trahimur ad Christum sumendum: in quo tota spes saluandorum consistit, & meritum. Ipse enim est sanctificatio nostra, & redemptio: ipse consolatio viatorum, & Sanctorum æterna fruitio. Dolendum itaque valdè, quòd multi tam parum hoc salutare mysterium aduertunt, quod cælum lætificat, & mundum consernat vniuersum. Heu cæcitas, & duritia cordis humani, tam ineffabile donum non magis attendere, & ex quotidiano vsu, etiam ad inaduertentiam defluere!

mentum, in vno tantum celebraretur loco, & ab vno tantum consecraretur sacerdote in mundo: quanto putas desi-

260 DE IMITATIONE desiderio ad illum locum, & ad talem Dei sacerdotem, homines afficerentur, vt diuina mysteria celebrari viderent? Nunc autem multi facti sunt sacerdotes, & in multis locis offertur Christus: vt tantò maior appareat gratia, & dilectio Dei ad hominem, quantò latiùs est sacra Communio diffusa per orbem. Gratias tibi I Es v bone, pastor æterne, qui nos pauperes & exules dignatus es pretioso Corpore & Saguine tuo reficere: & ad hæc mysteria percipienda, etiam proprij oris tui alloquio, inuitare dicen-Mat. 11 do: Venite ad me omnes, qui laboratis & oneratiestis, & ego reficiam vos.

CAP. II.

Quòd magna bonitas & charitas Dei ,in Sacramento , homini exhibetur.

Pir

9

ac

Pi

P

gi

VOX DISCIPULI.

Svper bonitate tua, & magna mifericordia tua Domine confisus, accedo æger ad Saluatorem, esuriens & sitiens ad sontem vitæ, egenus ad Regem

CHRISTI LIB. IV. Regem cæli, seruus ad Dominum, creatura ad creatorem, desolatus ad meum pium consolatorem. Sed vnde hoc mihi, vt venias ad me? Quis Luc. I. ego sum, vt præstes mihi teipsum? Quomodo audet peccator coram te apparere? & tu quomodo dignaris ad peccatorem venire? Tu nosti seruum tuum, & scis quia nil boni in se habet, vnde hoc illi præstes. Confiteor igitur vilitatem meam, agnosco tuam bonitatem, laudo pietatem, & gratias ago propter nimiam charitatem: Propter temetipsum enim hoc facis, non propter mea merita: vt bonitas tua mihi magis innotescat, charitas amplior ingeratur, & humilitas perfectius commendetur. Quia ergo tibi hoc placet, & tu sic sieri iuslisti, placet & mihi dignatio tua, & vtinam iniquitas mea non oblistat.

quanta tibi reuerentia & gratiarum actio cum perpetua laude, pro susceptione sacri Corporis tui debetur, cuius dignitatem nullus hominum explicare potens inuenitur. Sed quid cogitabo in hac Comunione, in accessus

ad Dominum meum, quem debitè venerari nequeo, & tamen deuotè suscipere desidero? Quid cogitabo melius
& salubrius, nisi meipsum totaliter
humiliando coram te, & tuam infinitam bonitatem exaltando supra me?
Laudo te, Deus meus, & exalto in
aternum. Despicio me, & subiicio tibi, in profundum vilitatis meæ.

go sordes peccatorum. Ecce tu inclinas te ad me, qui non sum dignus ad te respicere. Ecce tu venis ad me, tu vis esse mecum, tu inuitas ad conuirium tuum. Tu mihi dare vis cælestem cibum, & panem Angelorum ad manducandum: non alium sanè, qui quam teipsum, panem viuum, qui

gi

n

ta

10

P

FI

ri

I

ti

10

ft

8

ft

n

Domi-

de cælo descendisti, & das vitam mundo.

4 Ecce, vnde dilectio procedit, qualis dignatio illucescit, quam magnæ gratiarum actiones & laudes tibi pro his debentur. O quam salutare & vtile consilium tuum, cum istud instituisti! quam suaue & iucundum conuiuium, cum teipsum in cibum donasti! O quam admirabilis operatio tua

CHRISTI LIB. IV. Domine! quam potens virtus tua! quam ineffabilis veritas tua! Dixisti Genes.1. enim, & facta sunt omnia: & hoc fa- & Fsal.

ctum est, quod ipse iussifiti.

Mira res, & fide digna, ac humanű vincens intellectum: quòd tu, Domine Deus meus, verus Deus & homo, sub modica specie panis & vini, integer contineris, & sine consumptione à sumente manducaris. Tu Domine Pfal.15 vniuersorum, qui nullius habes indigentiam, voluisti per Sacramentum tuum habitare in nobis : conserua cor meum, & corpus immaculatum: vt leta & pura conscientia, sæpiùs tua valeam celebrare mysteria, & ad meam perpetuam accipere salutem: qua ad tuum præcipuè honorem, & memoriale perenne, sanxisti & instituisti.

6 Lætare anima mea, & gratias age Deo, pro tam nobili munere & solatio singulari, in hac lachrymarum valle, tibi relicto. Nam quoties hoc mysterium recolis, & Christi Corpus accipis: toties tue redéptionis opus agis, & particeps omniú meritorum Christi efficeris. Charitas etenim Christi numquam minuitur, & magnitudo

propi-

propitiationis eius, numquam exhaul ritur. Ideò noua semper mentis renouatione, ad hoc disponere te debes, & magnum salutis mysterium, attenta consideratione pensare. Ita magnum, nouum, & incundum tibi videri debet, cum celebras, aut Missam audis: ac si eodem die Christus primum in vterum Virginis descendens, homo factus esset: aut in cruce pendens, pro salute hominum pateretur.

CAP. III.

Qu'od vtile sit, sap'è communicare.

- OHIOM VOX DISCIPYLL HILLS

The, ego ad te venio Domine, vt benè mihi sit ex munere
tuo, & lætissicer in conuiuio sancto
tuo, quod parasti in dulcedine tua
pauperi Devs. Ecce, in te est toltum, quod desiderare possum &
debeo; tu salus mea, & redemptio, spes & fortitudo, decus &
psio, spes & fortitudo, decus &
psio, spes & fortitudo, decus &
spal.85. gloria. Lætissica ergo hodie animam
serui tui, quoniam ad te Domine
lesu

g

ci

Iesu animam meam seuaui. Desidero te nunc deuotè ac reuerenter suscipere; cupio te in domum meam inducere, quatenus cum Zachæo merear à te benedici, ac inter silios Abrahæ computari. Anima mea Corpus tuum concupiscit, cor meum tecum yniri desiderat.

2 Trade te mihi, & sufficit. Nam præter te, nulla consolatio valet. Sine te esse nequeo; & sine visitatione tua, viuere non valeo. Ideoque oportet me frequenter ad te accedere, & in remedium salutis meæ recipere:ne fortè deficiam in via, si fuero cælesti fraudatus alimonia. Sicenim tu miser icordissime Iesu, prædicans popu- Mat 15 lis, & varios curans languores, ali_ Mar. 8. quando dixisti: Nolo eos ieiunos dimittere in domum suam, ne deficiat in via. Age igitur hoc mecum modo, qui te pro fidelium consolatione in Sacramento reliquisti. Tu es enim suauis refectio anima, & qui te digne manducauerit, particeps & hæres erit æternæ gloriæ. Necessarium quidem mihi est, qui tam sæpè labor, & pecco, tam citò torpesco & deficio; vt per frequen-

n

ır

11-

re

to

ua

0-

80

n

80

ım

ine

esii

quentes orationes & confessiones, ac sacram Corporis tui perceptionem, me renouem, mundem, & accendam;

ne fortè diutiùs abstinendo, à sancto

proposito defluam.

Gen 8. 3 Proni enim sunt sensus hominis ad malum, ab adolescentia sua, & nisi succurrat diuina medicina, labitur

homo mox ad peiora. Retrahit ergo sancta Communio à malo, & confortat in bono. Si enim modò tam sapè negligens sum & tepidus, quando communico aut celebro; quid fieret, si medelam non sumerem, & tam grande iuuamen non quærerem? Et licet omni die non sim aptus, nec ad celebrandum benè dispositus; dabo ramen operam, congruis temporibus diuina percipere mysteria, ac tantæ gratiæ participem me præhere. Nam hæc est vna principalis fidelis animæ consolatio, quam diu peregrinatur à te in mortali corpore, vt sapiùs memor Dei sui, dilectum suum deuota

4 O mira circa nos tuæ pietatis dignatio, quòd tu Domine Deus, creator & viuificator omnium spirituum,

CHRISTI LIB. IV. ad pauperculam dignaris venire animam, & cum tota diuinitate tua ac humanitate, eius impinguare esuriem. O felix mens & beata anima, quæ te Dominum Deum suum meretur deuotè suscipere, & in tui susceptione, spirituali gaudio repleri! O quam magnum suscipit Dominum, quam dilectum inducit hospitem, quam iucundum recipit socium, quam fidelem acceptat amicum, quam speciosum & nobilem amplectitur sponsum præ omnibus dilectis, & super omnia desiderabilia amandum. Sileant à facie tua (dulcissime dilecte meus) cælum & terra, & omnis ornatus eorum; quoniam quidquid laudis habent ac decoris, ex dignatione tuæ est largitatis, nec ad decorem tuiperuenient nominis, cuius sapientiæ non est numerus. Pf. 146. the circumstance and the committee and

M 2 CAP

typesation, alon, calmad back suffice.

de consentiaenda aliquis idoneus per

genuit , aux angelicam eciata

M 2 CAP.

019100

0

IS

æ

n

æ

ta

i-

2-

n

d

CAP. IIII. 36 MASTO

Quod multa bona prastantur, deuote communicantibus.

VOX DISCIPULI. Ps. 20. I Domine Deus meus, præueni seruum tuum in benedictionibus dulcedinis tue, vt ad tuum magnificum Sacramentum, dignè ac deuotè merear accedere. Excita cor meum in Psios. te, & à graui torpore exue me. Visita me in salutari tuo, ad gustandum in spiritu suauitatem tuam, quæ in hoc

Sacramento tamquam in fonte, plenariè latet. Illumina quoque oculos meos, ad intuendum tantum mysterium: & ad credendum illud indubitata fide, me robora. Est enim operatio tua, non humana potentia: tua sacra institutio, non hominis adinuentio. Non enim ad hæc capienda & intelligenda aliquis idoneus per se reperitur, quæ angelicam etiam subtilitatem transcendunt. Quid ergo ego peccator indignus, terra &

cinis, de tam alto sacro secreto, potero potero inuestigare & capere?

2 Domine, in simplicitate cordis mei, in bona firma side, & in tua iussione, ad te cum spe ac reuerentia accedo: & verè credo, quia tu præsens es hîc in Sacramento, Deus & homo. Visergo, vt te suscipiam, & meipsum tibi in charitate vniam. Vnde tuam precor clementiam, & specialem ad hoc imploro mihi donari gratiam; vt totus in te liquefiam & amore pereffluam, atque de nulla aliena consolatione amplius me intromittam. Est enim hoc altissimum & dignissimum Sacramentum, salus animæ & corporis, medicina omnis spiritualis languoris: in quo vitia mea curantur, palsiones frenantur, tentationes vincuntur aut minuuntur: gratia maior infunditur, virtus incepta augetur, firmatur fides, spes roboratur, & charitas ignescit ac dilatatur.

3 Multa namque bona largitus es, & adhuc sapiùs largiris in Sacramento, dilectis tuis deuotè communicantibus, Deus meus, susceptor anima meæ, reparator infirmitatis humanæ, & totius dator consolationis

DE IMITATIONE 270 internæ. Nam multam ipsis consolationem, aduersus variam tribulationem infundis, & de imo deiectionis propriæ ad spem tuæ protectionis erigis, atque noua quadam gratia eos intus recreas, & illustras: vt qui anxij primum & sine affectione, se ante Communionem senserant : posteà refecti cibo potuque cælesti, in melius se mutatos inueniant. Quod ideircò cum electis tuis dispensanter agis, vt veraciter agnoscant, & patenter experiantur, quantum infirmitatis ex seipsis habeant, & quid bonitatis ac gratiæ, ex te consequantur. Quia ex semetiplis frigidi, duri, & indeuoti: ex te autem feruentes, alacres, & deuoti esse merentur. Quis enim ad fontem suauitatis humiliter accedens, non modicum suauitatis inde reportat? Aut quis iuxta copiosum ignem stans, non parum caloris inde percipit? Et l'a. 12. tu fons es semper plenus & superab-

Leuit. 6. undans, ignis iugiter ardens & numquam deficiens. Min 2 16 16 . Chiem

4 Vnde si mihi non licet haurire de plenitudine fontis, nec vsque ad satietatem potare, apponam tamen os

CHRISTI LIB. IV. 271 meum ad foramen cælestis fistulæ: vr saltem modicam inde guttulam capiam, ad refocillandam sitim meam, & non penitus exarescam. Et si necdum totus cælestis & tam ignitus, vt Cherubim & Seraphim esse possum: conabor tamen devotioni insistere, & cor meum præparare, vt vel modi-. cam diuini incendij flammam, ex humili sumptione viuifici Sacramenti conquiram. Quidquid autem mihi deest Iesu bone, Saluator sanctissime, tu pro me supple benigne ac gratiose, qui omnes ad te dignatus es vocare, dicens: Venite ad me omnes, qui Mat. 18 laboratis & onerati estis, & ego reficiam vos.

- 5 Ego quidem laboro in sudore Gen. 3. vultus mei, dolore cordis torqueor, peccatis oneror, tentationibus inquietor, multis malis passionibus implicor & premor: & non est qui adiquet, non est qui liberet, & saluum faciat, nisi tu Domine Deus saluator meus : cui committo me & omnia mea, vt me eustodias, & perducas in vitam æternam. Susoipe me in laudem & gloriam nominis tui, qui Corpus tuum 51197 M. 4 & San-

S

0

C

C

LC

s,

UD

le

1-

25

m

& Sanguinem, in cibum & potum mihi parasti. Præsta Domine Deus salutaris meus, vt cum frequentatione mysterij tui, crescat meæ deuotionis affectus.

CAP. V.

herobian & Searchan elle pol

De dignitate Sacramenti, & statu,

YOX DILECTI.

Mar. 18 1 C 1 haberes angelicam puritatem, 2 & sancti Ioannis Baptistæ sanctitaté: non esses dignus, hoc Sacramentum accipere, nec tractare. Non enim hoc meritis debetur hominum, quòd homo consecret & tractet Christi Sa-Ps. 77. cramentum, & sumat in cibum panem Angelorum. Grande mysterium, & magna dignitas Sacerdotum: quibus darum est, quod Angelis non est concessum. Soli namque Sacerdotes ritè in Ecclesia ordinati, potestatem habent celebrandi, & Corpus Christi consecrandi. Sacerdos quidem minister est Dei, vtés verbo Dei, per iussionem & institutionem Dei:

CHRISTI LIE. IV. Deus autem ibi principalis est auctor, & inuisibilis operator, cui subest om- Gen. 1. ne. quod voluerit, & paret omne Pf 48. quod iusserit.

2 Plus ergo credere debes Deo omnipotenti, in hoc excellentissimo Sacramento, quam proprio sensui, aut alicui signo visibili. Ideoque cum timore & reuerentia ad hoc opus est accedendum. Attende tibi, & vide I. Fim. cuius ministerium tibi traditum est,

per impositionem manus Episcopi. Ecce, Sacerdos factus es, & ad celebrandum consecratus; vide nunc, vr fideliter & deuotè, in suo tempore, Deo sacrificium offeras, & teipsum irreprehensibilem exhibeas. Non alleuiasti onus tuum, sed arctiori iam alligatus es vinculo disciplinæ, & ad maiorem teneris perfectionem sanctitatis. Sacerdos omnibus virtutibus debet esse ornatus, & aliis bonæ vitæ exemplum præbere. Eius conuer- Phil. 3. satio, non cum popularibus & communibus hominum viis, sed cum An-

in terra. 3 Sacerdos facris vestibus indutus,

gelis in cælo, aut cum perfectis viris

274 DE IMITATIONE

Heb.s. Christi vices gerit; vt Deum pro se & pro omni populo, suppliciter & humiliter roget. Habet ante se & retro Dominicæ crucis signum, ad memorandam iugiter Christi passioné: Ante se crucem in casula portat, vt Christi vestigia diligenter inspiciat, & sequi feruenter studeat. Post se cruce signatus est, vt aduersa quælibet ab aliis illata, clementer pro Deo toleret. Ante se crucem gerit, vt propria peccata lugeat : Post se, vt aliorum etiam commissa per compassionem desseat, & se medium inter Deum & peccatorem constitutum esse sciat: nec ab oratione, & oblatione sancta torpescat, donec gratiam & misericordiam impetrare mereatur. Quando Sacerdos celebrat, Deum honorat, Angelos lætificat, Ecclesiam ædificat, viuos adiuuat, defunctis requiem præstat, & sese omnium bonorum participem efficit. rindu com monera

a bel seily maniman virt, led o

religio cedo, aur casa periente

CAP.

CAP. VI.

Interrogatio de exercitio, ante Communionem.

VOX DISCIPULI.

v м tuam dignitatem, Domine, & meam vilitatem penso, valdè contremisco, & in meipso confundor. Si enim non accedo, vitam fugio: & si indigne me ingessero, offensam incurro. Quid ergo faciam, Deus meus, auxiliator meus, & consiliator in necessitatibus?

2 Tu doce me viam rectam. Propone breue aliquod exercitium, sacræ Communioni congruum. Vtile est enim scire, qualiter scilicet deuote ac reuerenter, tibi præparare debeam cor meum, ad recipiendum salubriter tuum Sacramentum, seu etiam celebrandum tam magnum & diuinum facrificium. 40 215 700 0 5700 contains aurious ametalianes.

met : andmoil M 16 and CAP.

emifee & dole, oudd adhue

mes : comebance - 20 for

plenus

i

í

e

:2

n

6

n

1-

SC

1-

ta

m

P.

CAP. VII.

De discussione proprie conscientie, & emendationis proposito.

VOX DILECTIV

I CVPER omnia, cum summa hu-Imilitate cordis & supplici reuerentia, cum plena fide & pia intentione honoris Dei, ad hoc Sacramentum celebrandum, tractandum, & sumendum, oporter Dei accedere Sacerdotem. Diligenter examina conscientiam tuam: & pro posse tuo, vera contritione & humili confessione, eam munda & clarifica: ita vt nil graue habeas, aut scias, quod te remordeat, & liberum accessum impediat, Habeas displicentiam omnium peccatorum tuorum in generali, & pro quotidianis excessibus magis in speciali doleas & gemas. Et si tempus patitur, Deo in secreto cordis, cunctas confitere passionum tuarum miserias.

2 Ingemisce & dole, quòd adhuc ita carnalis sis & mundanus : tam immortificatus à passionibus : tam

plenus

CHRISTI LIB. IV. plenus concupiscentiarum motibus: tam incustoditus in sensibus exterioribus: tam sæpè multis vanis phantasis implicatus: tam multum inclinatus ad exteriora: tam negligens ad interiora: tam leuis ad rifum & diffolutionem : tam durus ad fletum & compunctionem : tam promptus ad laxiora & carnis commoda: tam segnis ad rigorem & feruorem : tam curiosus ad noua audienda & pulchra intuenda: tam remissus ad humilia & abiecta amplectenda viam cupidus ad multa habenda: tam pareus ad dandum: tam tenax ad retinendum: tam inconsideratus in loquendo: tam incontinens in tacendo: tam incompofitus in moribus : tam importunus in actibus: tam effusus super cibum: tam furdus ad Dei verbum:tam velox ad quietem : tam tardus ad laborem: tam vigilans ad fabulas : tam fomnolentus ad vigilias facras : tam festinus ad finem: tam vagus ad attendendum: tam negligens in Horis perfoluendis: tam tepidus in celebrando: tam aridus in communicando: tam citò distractus e tam rarò plenè forre

m

m

15

278 DE IMITATIONE tibi collectus: tam subitò commotus ad iram: tam facilis ad alterius displicentiam: tam pronus ad iudicandum : tam rigidus ad arguendum: tam lætus ad prospera: tam debilis in aduersis: tam sæpè multa bona proponens, & modicum ad effectum perducens. q man: manoi fungano

3 His & aliis defectibus tuis, cum dolore & magna displicentia proprix infirmitatis confessis ac deploratis, firmum statue propositum semper emendandi, vitam tuam, & in melius proficiendi. Deinde cum plena resignatione & integra voluntate, offer teipsum in honorem nominis mei, in ara cordis tui holocaustum perpetuum, corpus tuum scilicet & animam, mihi fideliter committendo: quatenus & sic digne merearis ad offerendum Deo sacrificium accedere, & Sacramentum Corporis mei salubriter suscipere. and in what melon

4 Non est enim oblatio dignior, & satisfactio maior pro peccatis diluendis, quam seipsum pure & integrè, cum oblatione Corporis Christi in Milla & in Communione Deo ofidin

ferre,

CHRISTI LIB. IV. ferre. Si fecerit homo, quod in se est, & verè pœnituerit : quotiescumque pro venia & gratia ad me accesserit, Viuo ego, dicit Dominus, qui nolo Exec. 18 mortem peccatoris, sed vt magis conuertatur & viuat : quoniam peccatorum suorum non recordabor ampliùs, sed cuncta sibi indulta erunt.

CAP. VIII.

De oblatione Christi in cruce, & propria resignatione.

VOX DILECTI.

I CICVT ego meipsum, expansis in 1sa. 53. Ocruce manibus, & nudo corpore, & Heb. pro peccatis tuis Deo Patri sponte ob- 9. tuli, ita vt nihil in me remaneret, quin totum in sacrificium diuinæ placationis transiret: ita debes & tu temetipsum mihi volun tariè, in oblationem puram & sanctam, quotidie in Missa, cum omnibus viribus & affectibus tuis, quanto intimius vales, offerre. Quid magis à te requiro, quam vt Pron.23 te studeas mihi ex integro resignare? Quidquid præter teipsum das,

280 DE IMITATIONE nihil curo: quia non quæro datum tuum, sed te. in minimum and siev 2

2 Sicut non sufficeret tibi omnibus habitis, præter me: ita nec mihi placere poterit, quicquid dederis, te non oblato. Offer te mihi, & da te totum pro Deo, & erit accepta oblatio. Ecce, ego me totum obtuli Patri pro te; dedi etiam totum Corpus meum & Sanguinem in cibum, vt totus tuus essem, & til meus permaneres. Si autem in teipso steteris, nec sponte te ad voluntatem meam obtuleris, non est plena oblatio, nec integra erit inter nos vnio. Igitur omnia operatua præcedere debet, spontanea tui ipsius in manus Dei oblatio, si libertatem con-· sequi vis & gratiam. Ideò enim tant pauci illuminati, & liberi intus efficiuntur, quia seipsos ex toto abnegare nesciunt. Est firma sententia mea:

Luc. 14. Nisi quis renuntiauerit omnibus, non potest meus esse discipulus. Tu ergo si optas meus esse discipulus, offer teipsum mihi, cum omnibus affectibus tuis, oringer or a rigin biot?

-inglier organic xt idini terbuil or

10-7 Qualquidapanegaropinal this, CAP.

licion

CAP. IX.

Quod nos, & omnia nostra, Deo debemus offerre, & pro omnibus orare.

official pages one miferientali er VOX DISCIPVLI.

Domine, omnia tua sunt, quæ Ps.23. Desidero meipsum tibi in spontaneam oblationem offerre, & tuus perpetuè permanere. Domine, in simplicitate cordis mei, offero meipsum tibi hodie in seruum sempiternum, in obsequium & in sacrificium laudis perperuæ. Suscipe me, cum hac sancta oblatione tui pretiosi Corporis, quam tibi hodie in præsentia Angelorum, inuisibiliter assistentium, offero: vt sit pro me, & pro cuncto populotuo in faluteman manp mann

Domine, offerotibi omnia peccata & delicta mea, quæ commisi coram te, & fanctis Angelis tuis, à die quo primum peccare potui vsque ad horam hanc, super placabili altari tuo: vt tu omnia pariter incendas & comburas igne charitatis tuæ, & deleas fecture

vniner-

vniuersas maculas peccatorum meorum, & conscientiam meam ab omni delicto emundes, & restituas mihi gratiam tuam, quam peccando amisi, omnia mihi plenè indulgendo, & in osculum pacis me misericorditer assumendo.

Psa'.31. 3 Quid possum agere pro peccatis meis, nisi humiliter ea confitendo & lamentando, & tuam propitiationem incessanter deprecando? Deprecor te, exaudi me propitius, vbi asto coram te Deus meus. Omnia peccata mea mihi maxime displicent, nolo ea vmquam amplius perpetrare: sed pro eis doleo & dolebo, quamdiu vixero, paratus poenitentiam agere, & pro posse satisfacere. Dimitte mihi Deus, dimitte mihi peccata mea, propter nomen sanctum tuum : salua animam meam, quam pretiofo Sanguine tuo redemisti. Ecce committome misericordiæ tuæ, resigno me manibus tuis. Age mecum secundum bonitatem tuam, non secundum meam malitiam & iniquitatem roll round, and max

mea, quamuis valde pauca & imperfecta;

CHRISTI LIB. IV. fecta; vt tu ea emendes & sanctifices; vt ea grata habeas, & accepta tibi facias, & semper ad meliora trahas; nec non ad beatum ac laudabilem finem, me pigrum & inutilem homuncionem, perducas.

5 Offero quoque tibi omnia pia desideria deuotorum, necessitates parentum, amicorum, fratrum, fororum, omniumque charorum meorum, & corum qui mihi vel aliis, propter amorem tuum benefecerunt: & qui orationes & Missas pro se suisque omnibus, dici à me desiderauerunt & petierunt, siue in carne adhuc viuant; siue iam sæculo defuncti sint : vt omnes sibi auxilium gratiæ tuæ, opem consolationis, protectionem à periculis, liberationem à pœnis, aduenire sentiant, & vt ab omnibus malis erepti, gratias tibi magnificas læti persoluant.

6 Offero etiam tibi preces & hostias placationis, pro illis specialiter, qui me in aliquo læserunt, contristanerunt, aut vituperauerunt, vel aliquod damnum vel grauamen intulerunt: pro his quoque omnibus, quos ali-

quando

284 DE IMITATIONE quando contristaui, conturbaui, grauaui, & scandalizaui, verbis, factis, scienter vel ignoranter: vt nobis omnibus pariter indulgeas peccata nostra & mutuas offensiones. Aufer Domine à cordibus nostris omnem suspicionem, indignationem, iram & disceptationem, & quidquid potest charitatem lædere, & fraternam dilectionem minuere. Miserere, miserere Domine, misericordiam tuam poscentibus, da gratiam indigentibus: & fac nos tales existere, vt simus digni gratia tua perfrui, & ad vitam proficiamus æternam. Amen. : militaritation and suit

mago, and A P. X. halls idil zen

Quod sacra Communio, de facili non vox dilecti.

I REQUENTER recurrendum est A ad fontem gratiæ, & dinine misericordiæ, ad fontem bonitatis & totius puritatis: quatenus à passionibus tuis & vitiis curari valeas, & contra vniuersas tentationes & fallacias diaboli, fortior oblimes

CHRISTI LIB. IV. fortior atque vigilantior effici merearis. Inimicus sciens fructum & remedium maximum, in facra Communione positum, omni modo & occasione nititur fideles & deuotos, quantum præualet, retrahere & impedire.

2 Cum enim quidam sacræ Communionisse aptare disponunt, peiores Satanæ immissiones patiuntur. Ipse nequam spiritus (vt in lob scribi- 106 1. tur) venit inter filios Dei, vt solita illos nequitia sua perturbet, aut timidos nimium reddat & perplexos: quatenus affectum eorum minuat, vel fidem impugnando auferat: si fortè aut omnino Communionem relinquant, aut cum tepore accedant. Sed non est quidquam curandum, de versutiis & phantasiis illius quantumlibet turpibus & horridis, sed cuncta phantasmata in caput eius sunt retorquenda. Contemnendus est miser & deridendus, nec propter insultus eius & commotiones, quas suscitat, sacra est omittenda Communio.

3 Sæpè etiam impedit nimia sollicitudo pro deuotione habenda, & anxietas quædam de confessione fadord cienda.

286 DE IMITATIONE

pientum, & depone anxietatem & scrupulum: quia gratiam Dei impedit, & deuotionem mentis destruit. Proprer aliquam paruam turbationem vel grauitatem, sacram ne dimittas Communionem: sed vade citiùs consiteri, & omnes offensiones aliis libenter in-

Mat. 5. dulge. Si verò tu aliquem offendisti, veniam humilitet precare, & Deus li-

benter indulgebit tibi.

4 Quid prodest diu tardare confessionem, aut sacram differre Communionem? Expurgate cum primis, exspue velociter venenum, festina accipere remedium, & senties melius, quam si diu distuleris. Si hodie propter istud dimittis, cras forsitan aliud maius eueniet : & sic diu posses à Communione impediri, & magis ineptus fieri. Quantò citiùs vales, à præsenti grauitate & inertia te excutias: quia nihil importat diu anxiari, diu cum turbatione transire, & ob quotidiana obstacula, se à dininis sequestrare. Imò plurimum nocer, diu Communionem protelare, nam & grauem torporem consueuit inducere. Proh

Proh dolor, quidam tepidi & dissoluti, moras consitendi libenter accipiunt, & Communionem sacram idcircò disserri cupiunt, ne ad maiorem sui custodiam se dare teneantur.

1 Heu, quam modicam charitatem, & debilem deuotionem habent, qui sacram Communionem tam faciliter postponunt. Qu'am felix ille, & D E o acceptus habetur, qui sic viuit, & in tali puritate conscientiam suam custodit, vt etiam omni die communicare paratus, & benè affectatus efset, si ei liceret, & sine nota agere posset. Si quis interdum abstinet humilitatis gratia, aut legitima impediente caussa, laudandus est de reuerentia. Si autem torpor obrepserit, seipsum excitare debet, & facere quod in se est, & Dominus aderit desiderio suo pro bona voluntate, quam specialiter respicit, and to to more and and

est, habebit semper bonam voluntatem, & piam intentionem communicandi, & sic non carebit fructu Sacramenti. Potest enim quilibet deuotus, omni die & omni hora, ad spiritua-

u

288 DE IMITATIONE lem Christi Communionem, salul briter & sine prohibitione accedere: & tamen certis diebus & statuto tempore, Corpus sui Redemptoris, cum affectuosa reuerentia Sacramentaliter deber suscipere, & magis laudem Dei & honorem prætendere, quam suam consolationem quærere. Nam I. Cor. toties mystice communicat, & inuisibiliter reficitur, quoties incarnationis Christi mysterium passionemque deuotè recolit, & in amore eius

II.

accenditur. a bend a fruitionessa 7 Qui aliter se non præparat, nisi instante festo, vel consuetudine compellente, sæpiùs imparatus erit. Beatus, qui se Domino in holocaustum offert, quoties celebrat aut communicat. Non sis in celebrando nimis prolixus aut festinus, sed serua bonum communem modum cum quibus viuis. Non debes aliis generare molestiam & tædium, sed communem seruare viam secundum maiorum institutionem: & potius aliorum seruire vtilitati, quam propriæ deuotioni velaffectui.

- middle be, mod immow of CAP.

P

MIR

CAP. XI.

Quòd corpus Christi, & sacra Scri-ptura maxime sint anima fideli necessaria.

VOX DISCIPULI.

Dulcissime Domine Iesu, quata est dulcedo deuotæ animæ, tecum epulantis in conuiuio tuo: vbi ei non alius cibus manducandus proponitur, nisi tu vnicus dilectus eius, fuper omnia desideria cordis eius desiderabilis. Et mihi quidem dulce foret in præsentia tua, ex intimo affectu lachrymas fundere, & cum pia Mag- Luc.7. dalena pedes tuos lachrymis irrigare. Sed vbi est hæc deuotio? vbi lachrymarum sanctarum copiosa effusio? Certè in conspectu tuo & sanctorum Angelorum tuorum, totum cor meum ardere deberet, & ex gaudio slere. Habeo enim re in Sacramento verè præsentem, quamuis aliena specie occultatum.

2 Nam in propria, & diuina claritate te conspicere, oculi mei ferre non possent: sed neque totus mundus in fulgore

DE IMITATIONE 290 gore gloriæ maiestatis tuæ subsisteret. În hoc ergo imbecillitati meę cosulis, quòd te sub Sacramento abscondis. Habeo verè & adoro, quem Angeli adorant in cælo; sed ego adhuc interim in fide, illi autem in specie & sine velamine. Me oportet contentum esse in lumine vere fidei, & in ea ambulare, donec aspiret dies æternæ claritatis, & vmbræ figurarum inclinentur. Cùm autem venerit quod perfectum est, cessabit vsus Sacramentorum: quia -beati in gloria cælesti, non egent medicamine sacramentali: gaudent enim sine fine in præsentia Dei, facie ad faciem gloriam eius speculantes, & de claritate in claritatem abyssalis deitatis transformati, gustant Verbum Dei caro factum, ficut fuit ab initio, & manet in æternum. Boglaco ni 61160

3 Memor horum mirabilium, graue mihi sit tædium, etiam quodlibet spirituale solatium: quia quamdiu Dominum meum aperte in sua gloria non video, pro nihilo duco omne, quod in mundo conspicio & audio. Testis es ru mihi Deus, quòd nulla me res potest consolari, nulla creatura quietare, nisi

tu Deus

13.

I. Cor.

CHRISTI LIB. IV. tu Deus meus, quem desidero æternaliter contemplari. Sed non est hoc possibile, durante me in hac mortalitate. Ideò oportet, vt me ponam ad magnam patientiam, & meipsum in Heb. 10 omni desiderio tibi submittam. Nam & 11. & Sancti tui Domine, qui tecum iam in regno cælorum exultant, in fide & patientia magna, dum viuerent, aduentú gloriæ tuæ exspectabant. Quod illi crediderunt, ego credo: quod illi sperauerunt, ego spero: quò illi peruenerunt, per gratiam tuam me venturum confido. Ambulabo interim in fide, exemplis cofortatus Sanctorum. Habeo etiam libros sanctos pro solatio & vitæ speculo, atque super hæc omnia sanctissimum Corpus tuum, pro singulari remedio & refugio.

4 Duo namque mihi necessaria permaximè sentio in hac vita, sine quibus
mihi importabilis foret ista miserabilis vita. In carcere corporis huius detentus, duobus me egere fateor, cibo
scilicet & lumine. Dedisti itaque mihi
insirmo, sacrum Corpus tuum ad refectionem mentis & corporis: & posuisti lucernam pedibus meis, verbum Ps. 118.

N 2 tuum.

n

le

ei

80

10

1-

Ó-

in

III

eft

issi

US

DE IMITATIONE 292

tuum. Sine his duobus, benè viuere

Heb. 9. O' 13.

non possem: nam verbum Dei, lux animæ meæ: & Sacramentum tuum, Psal.22 panis vitæ. Hæc possunt etiam dici menfæduæ, hinc & inde in gazophylacio sanctæ Ecclesiæ positæ. Vna mésa est sacri altaris, habens panem sanctum, id est, Corpus Christi pretiofum: altera est diuinæ legis, continens doctrinam sanctam, erudiens fidem rectam, & firmiter vsque ad interiora velaminis, vbi sunt Sancta sanctorum, perducens. Gratias tibi Domine Iesu, lux lucis æternæ, pro doctrinæ sacræmensa, quam nobis per seruos tuos Prophetas & Apostolos, aliosque Doctores ministrasti.

Luc 14. 5 Gratias tibi Creator ac Redemptor hominum, qui ad declarandam roti mundo charitatem tuam, cœnam parasti magnam, in qua non agnum ty-

Ioan. 6. picum, sed tuum sanctissimu Corpus & Sanguinem proposuisti manducan-

Psal.22 dum: lætificans omnes fideles conui-Sap. uio sacro, & calice inebrians salutari, in quo sunt omnes deliciæ paradisi, & epulantur nobiscum Angeli sancti, sed suauitate feliciori.

CHRISTI LIB. IV.

6 O quam magnum & honorabile est officium Sacerdotum, quibus datum est Dominum maiestatis verbis facris consecrare, labiis benedicere, manibus tenere, ore proprio sumere, & ceteris ministrare. O quam mundæ debent esse manus illæ, quam purum os, quam sanctum corpus, quam immaculatum cor erit Sacerdotis, ad quem toties ingreditur Auctor puritatis. Ex ore Sacerdotis nihil nisi san-Aum, nihil nisi honestum & vtile procedere debet verbum, qui tam sæpè Christi accipit Sacramentum.

7 Oculi eius simplices & pudici, qui Christi Corpus solent intueri. Manus puræ, & in cælum eleuatæ, quæ Creatorem cæli & terræ solent contractare. Sacerdoribus specialiter in Lege dicitur: Sancti estote, quoniam ego Leu.t sanctus sum Dominus Deus vester.

8 Adiuuet nos gratia tua omnipotens Deus, vt qui officium Sacerdotale suscepimus, dignè ac deuotè tibi in omni puritate & conscientia bona famulari valeamus. Et si non poslumus in tanta innocentia vitæ conuersari, vt debemus; concede nobis

tamen

0

lere

lux

um,

dici

hy-

mé-

Can-

tio-

iens

lem

lora

20-

nine

inæ

uos

que

tor

toti

pa-

ty-

pus

an-

ui-

ari

, 80 fed

tamen dignè slere mala, quæ gessimus: & in spiritu humilitatis, ac bonæ voluntatis proposito, tibi feruentiùs de cetero deseruire.

CAP. XII.

Quod magna diligetia se debeat, Communicaturus Christo, praparare.

VOX DILECTI.

Psal.23 1 Go sum puritatis amator, & da-L' toromnis sanctitatis. Ego cor purum quæro, & ibi est locus requie-Mar. 14 tionis mex. Para mihi cœnaculum & Luce grande stratum, & faciam apud te Paschacum discipulis meis. Si vis, vt ve-1.Cor.; niam ad te, & apud te maneam: expurga vetus fermentum, & munda cordis tui habitaculum. Exclude totum fæcu-Exodi lum, & omnem vitiorum tumultum: sede tamqua passer solitarius in tecto, & cogita excessus tuos in amaritudine animæ tuæ. Omnis namque amans, suo dilecto amatori, optimum & pulcherrimum præparat locum, quia in hoc cognoscitur affectus suscipientis dilectum.

2 Scito tamen te no posse satisfacere huic

CHRISTI LIB. IV. huic preparationi, ex merito tue actionis, etiamsi per integrum annum te præparares, & nihil aliud in mente haberes. Sed ex sola pietate & gratia mea, permitteris ad mensam meam accedere, ac si mendicus ad prandium vocaretur diuitis, & ille nihil aliud habeat ad retribuendu beneficiis eius, nisi se humiliando & ei regratiando. Fac, quod in te est, & diligenter facito: non ex consuerudine, non ex necessitate, sed cum timore, & reuerentia, & affectu, accipe Corpus dilecti Domini Dei tui, dignantis ad te venire. ego sum qui vocaui, ego iusti fieri; ego supplebo quod tibi deest: veni, & suscipe me.

gratias age Deo tuo: non quia dignus es, sed quia tui misertus sum. Si non habes, sed magis aridum te sentis, insiste orationi, ingemisce & pulsa: nec desistas, donec merearis micam aut guttam gratiæ salutaris accipere. Tu mei indiges, non ego tui indigeo. Nec tu me sanctificare venis, sed ego te sanctificare & meliorare venio. Tu venis, vt ex me sanctificeris, & mihi N 4 vnia-

DE IMITATIONE 296 vniaris, vt nouam gratiam recipias, & de nouo ad emendationem accendaris. Noli negligere hanc gratiam: sed præpara cum omni diligentia cor tuum, & introduc ad te dilectum tuum. 4 Oportet autem, vt non solum te

præpares ad deuotionem ante Communionem, sed vt etiam te solicitè conserues in ea, post Sacramenti perceptionem. Nec minor custodia post exigitur, qua deuota preparatio priùs. Nam bona postmodú custodia, optima iterum est præparatio, ad maiorem gratiam consequendam. Ex eo quippe valde indispositus quis redditur, si statim fuerit nimis effusus ad Prou. 10 exteriora solatia. Caue à multiloquio, mane in secreto, & fruere Deo tuo. Ipsum enim habes, quem totus mundus tibi auferre non potest. Ego sum, cui te totum dare debes: ita vt iam vltrà non in te, sed in me, absque om-

ni folicitudine, viuas.

Ta mei indiges, non ego tuisudigea.

venis, vees the (anchidesels, & mil-;

A COLUMN TO SERVICE

CAP. XIII.

Quòd toto corde anima deuota, Christi vnionem in Sacramento, affectare debet.

VOX DISCIPULI.

vis mihi det, Domine, vt inteniam te solum, & aperiam tibi totum cor meum, & fruar te, sicut desiderat anima mea: & iam me nemo despiciat, nec vlla creatura me moueat vel respiciat, sed tu solus mihi loqua- Exod. ris, & ego tibi, sicut solet dilectus ad 33.00 dilectum loqui, & amicus cum amico Cant. 8. conuiuari? Hoc oro, hoc desidero, vt tibi totus vniar, & cor meum ab omnibus creatis rebus abstraham, magisque per sacram Communionem, ac frequentem celebrationem, cælestia & æterna sapere discam. Ah Domine Deus, quando ero tecum totus vnitus & absorptus, meique totaliter oblitus? Tu in me, & ego in te, & sic nos loan.15 pariter in vnum manere concede.

ex millibus, in quo complacuit anime meæ habitare omnibus diebus vitæ

N 5 fu

000

298 DE IMITATIONE suæ. Verè tu pacificus meus, in quo pax summa & réquies vera, extra quem labor & dolor, & infinita miseria. Verè tu es Deus absconditus, & consilium tuum non est cum impiis, sed cum humilibus & simplicibus ser-Sap. 12. mo tuus. O quam suauis est Domine spiritus tuus, qui vt dulcedinem tuam in filios demonstrares, panesuauissimo, de cælo descendente, illos re-Deut.4. ficere dignaris. Verè non est alia natio tam grandis, quæ habeat deos appropinquantes sibi, sicut tu Deus noster ades vniuersis sidelibus tuis, quibus ob quotidianum solatium, & cor erigendum in cælum, te tribuis ad edendum & fruendum. 3 Que est enim alia gens tam inclyta, ficut plebs Christiana? Aut quæ creatura sub cælo tam dilecta, vt anima deuota, ad quam ingreditur Deus, vt pascat eam carne sua gloriosa? O ineffabilis gratia! ô admirabilis dignatio! ô amor immensus homini singulariter Ps. 115 impensus! Sed quid retribuam Domino pro gratia ista, pro charitate tam eximia? Non est aliud, quod gratius donare queam, quam vt cor meum Deo

Deo meo totaliter tribuam, & intime coniungam. Tunc exultabunt omnia interiora mea, cum perfecte fuerit vnita Deo anima mea. Tunc dicer mihi: Si tu vis esse mecum, ego volo esse tecum. Et ego respondebo illi: Dignare Domine manere mecum, ego volo libenter esse tecum. Hoc est totum desiderium meum, vt cor meum tibi sit vnitum.

-org.muCAP. XIIII.

De quorumdam deuotorum ardenti desiderio, ad Corpus Christi.

TODY VOX DISCIPVEL

cedinis tuæ Domine, quam abscondisti timentibus te! Quando recordor deuotorum aliquorum, ad Sacramentum tuum Domine, cum maxima deuotione, & assectu accedentium, tunc sæpiùs in me ipso confundor, & erubesco: quòd ad altare tuum, & sacræ Comunionis mensarn, tam tepidè & frigidè accedo. Quòd ita aridus, & sine assectione cordis maneo. Quòd non sim totaliter ac-

DEIMITATIONE 300 census coram te Deo meo; necita vehementer attractus & affectus, sicut multi deuoti fuerunt, qui præ nimio desiderio Communionis, & sensibili cordis amore, à fleru se non potuerunt cotinere: sed ore cordis & corporis pariter, ad te Deum fontem viuum medullitus inhiabant, suam esuriem non valentes aliter temperare nec satiare, nisi Corpus tuum cum omni iucunditate & spirituali auiditate accepissent. 2 O vera ardens fides eorum, pro-

babile existens argumentú sacræ præ-Luc. 24. sentiæ tuæ. Isti enim veraciter cognoscunt Dominum suum in fractione panis, quorum cor tam valide ardet in eis, de sesu ambulante cum eis. Longè est à me sæpè talis affectus & denotio, tam vehemens amor & ardor. Esto mihi propitius Iesu bone, dulcis & benigne: & concede pauperi mendico tuo, vel interdum modicum de cordiali affectu amoris tui, in facra Communione sentire, vt fides mea magis conualescat, spes in bonitate tua proficiat, & charitas semel perfecte accensa, & cæleste manna experta, num+ quam deficiat.

CHRISTI LIB. IV. 3 Potens est autem misericordia tua, etiam gratiam desideratam mihi præstare, & in spiritu ardoris, cum dies beneplaciti tui venerit, me clementifsimè visitare. Etenim licet tanto desiderio tam specialium deuotorum tuorum non ardeo, tamen de gratia tua, illius magni inflammati desiderij, desiderium habeo, orans & desiderans, omnium talium feruidorum amatorum tuorum, participem me fieri, ac corum fancto consortio annumerari.

CAP. X V.

Quòd gratia deuotionis, humilitate & suipsius abnegatione, acquiritur.

VOX DILECTI.

PORTET te deuotionis gratiam instanter quærere, desideranter petere, patienter & fiducialiter exspectare, gratanter recipere, humiliter conseruare, studiosè cum ea operariac Deo terminum & modum supernæ visitationis, donec veniat, committere. Humiliare præcipuè te debes, cum parum aut nihil deuotionis interiùs sentis; sed non nimiùm deici, nec inordinate contristari. Dat sæpè Deus in vno breui momento, quod
longo negauit tempore. Dat quandoque in fine, quod in principio orationis distulit dare.

pro voto adesset, non esset infirmo homini benè portabile. Proptereà in bona spe, & humili patientia, exspectanda est deuotionis gratia. Tibi tamen, & peccatis tuis imputa, cùm non datur, vel etiam occultè tollitur. Modicum quandoque est, quod gratiam impedit & abscondit, si tamen modicum, & non potiùs grande dici debeat, quod tantum bonum prohiber. Et si hoc ipsum modicum vel grande amoueris, & perfectè viceris, erit quod petisti.

3 Statim namque, vt te Deo ex toto corde tradideris, nec hoc vel illud, pro tuo libitu seu velle quæsieris, sed integrè te in ipso posueris, vnitum te inuenies, & pacatum; quia nil ita benè sapiet & placebit, sicut beneplacitum diuinæ voluntatis. Quisquis ergo intentionem suam, simplici corde surfum ad Deum leuauerit, seque ab om-

1011

CHRISTI LIB. IV. 303 ni inordinato amore, seu displicentia cuiuslibet rei creatæ, enacuauerit, aptissimus gratie percipiéde, ac dignus deuotionis munere erit. Dat enim Dominus ibi benedictionem suam, vbi vasa vacua inuenerit. Et quantò perfectius infimis quis renuntiat, & magis sibi ipsi per contemptum sui moritur, tantò gratia celeriùs venit, copiosiùs intrat, & altius liberum cor elenar ..

4 Tunc videbit, & affluet, & mira- 15ai.60. bitur, & dilatabitur cor eius in ipso, quia manus Domini cum eo, & ipse se posuit totaliter in manu eius vsque in fæculum. Ecce sic benedicetur homo, qui quarit Deum in toto corde suo, nec in vanum accipit anima suam. Hie in accipiendo sacram Eucharistiam magnam promeretur dining vnionis gratiam, quia non respicit ad propriam deuotionem & consolationem, sed super omnem deuotionem, & consolationem, ad Dei gloriam & honorem.

mental right and present a rest. Verce

dictional configuration distributions,

-mained ni maninoo 35 almang CAP.

CAP. XVI.

Quod necessitates nostras Christo ape-rire, Geius gratia postulare debemus.

VOX DISCIPULI.

Dulcissime arque amantissime Domine, quem nunc deuotè desidero suscipere, tu scis infirmitatem meam & necessitatem, quam patior; in quantis malis & vitiis iaceo; quam sæpè sum grauatus, tentatus, turbatus, & inquinatus. Pro remedio ad te venio, pro consolatione & subleuamine te deprecor. Ad omnia scienté loquor, cui manifesta sunt omnia interiora mea, & qui solus potes me perfecte consolari, & adiunare. Tu scis, quibus bonis indigeo præ omnibus, & quam pauper sum in virtutibus.

2 Ecce, sto ante te pauper & nudus, gratiam postulans, & misericordiam implorans. Refice esurientem mendicum tuum, accende frigiditaté meam igne amoris tui, illumina cæcitatem meam claritate præsentiæ tuæ. Verte mihi omnia terrena in amaritudinem, omnia grauia & contraria in patientiam, omnia infima & creata in contemptum & obliuionem. Erige cor meum ad te in cælum, & ne dimittas me vagari super terram. Tu solus mihi ex hoc iam dulcescas vsq; in sæculum; quia tu solus cibus & potus meus, amor meus & gaudium meum, dulcedo mea & totum bonum meum.

3 Vtinam me totaliter ex tua præsen- 2. Cor. 6
tia accendas, comburas, & in te transmutes; vt vnus tecum essiciar spiritus,
per gratiam internæ vnionis, & liquefactionem ardétis amoris. Ne patiaris
me ieiunum & aridum à te recedere,
sed operare mecu misericorditer, sicut
sæpiùs operatus es cum Sanctis tuis
mirabiliter. Quid mirum, si totus ex te
ignescerem, & in meipso desicerem;
cum tu sis ignis semper ardens, &
numquam desiciens; amor corda purisicans, & intellectum illuminans.

CAP. XVII.

De ardenti amore, & vehementi affeëtu suscipiendi Christum.

- I VOX DISCIPVLI.

i C v M summa deuotione & ardenti amore, cum toto cordis affeaffectu & feruore, desidero te Domine suscipere, quemadmodum multi Sancti & deuotæ personæ, in communicando te desiderauerunt, qui tibi maximè in sanctitate vitæ placuerunt, & in ardentissima deuotione suerunt. O Deus meus, amoræternus, totum bonum meum, felicitas interminabilis, cupio te suscipere cum vehementissimo desiderio & dignissima reuerentia, quam aliquis Sanctorum vmquam habuit, & sentire potuit.

2 Et licet indignus sum omnia illa sentimenta deuotionis habere, tamen offero tibi totum cordis mei affectum, ac si omnia illa gratissima inslammata desideria, solus haberem. Sed & quæcumque potest pia mens concipere & desiderare, hæc omnia tibi, cum summa veneratione, & intimo fauore, præbeo & offero. Nihil opto mihi reseruare, sed me & omnia mea, tibi sponte & libentissimè immolare. Domine Deus meus, creator meus, & redemptor meus, cum tali affectu, reuerentia, laude & honore; cum tali gratitudine, dignitate, & amore; cum tali fide, spe & puritate, te affecto hodie fusci-

il

fuscipere, sicut te suscepit & desiderauit sanctissima mater tua, gloriosa virgo Maria, quando Angelo euangelizanti sibi incarnationis mysterium, humiliter ac deuotè respondit: Ecce Luce 1. ancilla Domini, siat mihi secundum verbum tuum.

3 Et sicut beatus præcursor tuus, Lue. I. excellentissimus Sanctorum Ioannes Baptista, in præsentia tua lætabundus exultauit in gaudio Spiritus sancti, dum adhuc maternis clauderetur visceribus: Et postmodum cernens inter homines Iesum ambulantem, valdè se humilians, deuoto cum affectu dicebat: Amicus autem sponsi, qui stat, Ioan. X. & audit eum, gaudio gaudet propter vocem sponsi: sic & ego, magnis & sacris desideriis opto inflammari, & tibi ex toto corde me ipsum præsentare. Vnde & omnium denotorum cordium iubilationes, ardentes affectus, mentales excessus, ac supernaturales illuminationes, & calicas visiones tibi offero & exhibeo cum omnibus virtutibus & laudibus, ab omni creatura in calo & in terra celebratis, & celebrandis, pro me & omnibus mihi in oratiooratione commendatis; quatenus ab omnibus dignè lauderis, & in perpe-

ruum glorificeris.

meus, & desideria infinitæ laudationis, ac immensæ benedictionis; quæ
tibi, secundum multitudinem inessabilis magnitudinis tuæ, iure debentur.
Hæc tibi reddo, & reddere desidero,
per singulos dies & momenta temporum; atque ad reddendum mecum tibi
gratias & laudes, omnes cælestes spiritus, & cunctos sideles tuos, precibus
& affectibus inuito & exoro.

& linguæ; & sanctum ac mellistum nomen tuum, cum summa iubilatione, & ardenti deuotione magnificent. Et quicumque reuerenter ac deuotè altissimum Sacramentu tuum celebrant, & plena side recipiunt, gratiam & misericordiam apud te inuenire mereantur, & pro me peccatore suppliciter exorent. Cumque optata deuotione, ac fruibili vnione, potiti suerint, & benè consolati, ac mirisicè refecti, de sacra mensa cælesti abscesserint, mei pauperis recordari dignentur.

CAP.

g

P

E

CAP. XVIII.

Quòd homo non sit curiosus scrutator Sacramenti, sed humilis imitator Christi, subdendo sensum suum sacræ fidei.

VOX DILECTI.

C & inutili perscrutatione huius profundissimi Sacramenti, si non vis in dubitationis profundum submergi. Qui scrutator est maiestatis, op- Prou.25 primetur à gloria. Plus valet Deus operari, quam homo intelligere porest. Tolerabilis, pia, & humilis inquisitio veritatis, parata semper doceri, & per sanas Patrum sententias studens ambulare.

2 Beata simplicitas, quæ difficiles quæstionum relinquit vias, & plana ac firma pergit semita mandatorum Dei. Multi deuotionem perdiderunt, dum altiora scrutari voluerunt. Fides à te exigitur, & sincera vita; non altitudo intellectus, neque profunditas mysteriorum Dei. Sinon intelligis, nec capis, quæ infra te sunt, quomodo 310 DEIMITATIONE

comprehendes, quæ supra te sunt? Subdere Deo, & humilia sensum tuŭ sidei, & dabitur tibi scientiæ lumen, prout tibi suerit vtile ac necessarium.

3 Quidam grauiter tentantur de fide & Sacramento, sed non est hoc ipsis imputandum, sed potius inimico. Noli curare, noli disputare cum cogitationibus tuis, nec ad immissa à diabolo dubitationes responde; sed crede verbis Dei, crede Sanctis eius & Prophetis, & sugiet à te nequam inimicus. Sæpè multum prodest, quòd talia sustinet Dei seruus. Nam insideles & peccatores non tentat, quos securè iam possidet; sideles autem deuotos, variis modis tentat & yexat.

bitata fide, & cum supplici reuerentia ad Sacramentum accede. Et quidquid intelligere non vales, Deo omnipotenti securè committe. Non fallit te psal. 18 Deus; fallitur, qui sibi ipsi nimium credit. Graditur Deus cum simplicibus, reuelat se humilibus, dat intellectum paruulis, aperit sensum puris mentibus, & abscondit gratiam curio-

sis & superbis. Ratio humana debilis est,

est, & falli potest; sides autem vera, falli non potest.

5 Omnis ratio, & naturalis inuestigatio, sidem sequi debet, non præcedere, nec infringere. Nam sides & amor
ibi maxime præcellunt, & occultis
modis in hoc sanctissimo & superexcellentissimo Sacramento operantur.
Deus æternus & immensus, insinitæque potentiæ, facit magna & inscrutabilia in cælo & in terra, nec est inuestigatio mirabilium operum eius. Si
talia essent opera Dei, vt sacile ab humana ratione caperentur, non essent
mirabilia, nec inessabilia dicenda.

FINIS.

deviction (control 1.1. 6.31. 4.4 3 7 860

dies required toss when incarent , out me



Child Carris 1 2 C. 11 B. I.

IN-